



07014

元張文忠公歸田類藁卷十四

歷城 張養浩希孟氏 撰

同邑後學

用承年書昌民

校刊

五言古詩二

制中辭吏部尚書

實行諒無有虛譽日以隆三年兩見徵顏厚甲九重將
行懼違孝欲止還戾忠出處人所難始信此語公吾親
卧邱隴子亦當同凶何心從吉召去此樹與松潢汗水
孰薦溪澗毛孰供三年非我獨貴賤天下通朝著多英
歸田類稿 卷十四 一
髦豈少衰病翁不惟隕士節將恐壞皇風明明方孝治
應不罪眇躬書此奉來使感泣田園東

遂閒堂落成

至治元年

去春卜斯室余方忝朝聯室成余來歸似恐非偶然門
庭頗幽邃花木仍清妍不欣崇柱石所喜遠市廛好山
動相見流水近在前雖乏晉公勝差比揚雄賢有時萌
侈心擬欲增數椽築爲四小亭飾彼園與田一亭名拙
逸一亭名樂全一亭名九臯一亭名筆仙客來縱遊逸
休息從寢眠顧茲亦云易少緩良有緣物理忌太盛天

國朝史 六 津 圖
用承年書昌民
校刊

道嫌驟圓殷勤志諸壁留以需他年

田舍早春

邨居久習靜負暄坐依墻兒童喜相報沙草露微芒
余老愛生意拾樵衛其傍匪慮牛羊侵第防雞犬傷
因視亭中花碎蓄亦綴芳風日漸回律川源泛晴光
飛飛簷外禽啾啾試新簧乃知春一動萬彙隨悠揚
田園有幽事佳木補斷行東隣移杞梓西家乞公篁
雖非老人宜且慰邱壑藏悠悠撫清景此外非所望

記綽然亭前花木

歸田類稿

卷十四

二

淵明曠達士乃慮曰園燕退之崛強人亦喜有屋廬而
我視二子公卿與臺輿歸來得茲堂偃息權有餘門庭
足山色田間水縈紆堂前數種春一一名品殊芙蓉錦
帷幄芍藥金盤孟梧桐翠葆足牡丹紫雲腴葵柳色爭
勝梨柿枝相扶海棠梅菊蘭或麗或清耀循環一年內
爛漫無日無最憐兩稚松貞操每起余凜然殿羣卉次
第孰敢踰有如吳宮娃布陣庭之隅老子曰何事撓玩
爲踟躕觀物悟盛衰度世忘智愚利害不復齒嶮要不
復途從遊有猿鶴共話惟樵漁人生此樂慳况今許頭

願區區願堅守或能保桑榆

新構草堂

起樓城市中雖麗終塵喧山閒一把茅幽勝不可言野
意旣無隱嵐翠亦滿軒上有華峰雲下有灤水源叢篁
森四周何必籬與藩時出百無慮看守有鶴猿愚者以
爲陋達士忘寒暄隱然太初意晤對常在垣詠茲落成
詩商聲滿郊原

書綽然亭壁

野亭自戍趣旦旦必一臨有時俗務妨咫尺猶商參非

歸田類稿

卷十四

三

愛山水秀非喜林樾深其中陳詩書旁列壺與琴鼓琴
酌我酒旣誦且詠吟想前隱居者亦復如我今古人不
可見賴書得其心後來知我誰搔首雪滿簪幸此可終
老且勿求知音

有示

余出四十而髮有白者今五旬有七殆將瞠

然每一攬鏡輒爲大笑或者疑焉遂賦此詩

示之

人見白髮愁我見白髮喜爲問一世人得此能有幾陸

展何大癡染之媚女子政使女子憐不悟人衰矣坡仙
自謂達亦說簪花恥昌黎素倔強併恨及牙齒嘗思前
輩心要皆怖身死身死人之常縱怖能免彼不如姑舍
之登高看雲水

飲田家醉歸

肇余故園復霄夢亦晏如投趾皆春臺夙累久已除有
酒略貴賤見請輒同娛茲晨飲田家翁媪良勤劬呼僮
爲割雞催婦仍繪魚坐我桑柘陰清風來徐徐滿前太
古意彷彿羲皇餘雖未無何有已覺春敷腴人生電之
歸田類稿

卷四

四

影此酒何可無爲樂縱多端未必能勝余題詩村舍壁
用託漁樵徒

夏日池上

林深池水綠倏忽春失妍繁枝已成陰稚荷亦田田時
序不余貸相趣反手然歲月既如彼此生亦堪憐始來
髮尚黑今也雪覆肩幸此田園佳爲樂忘歲年況有二
三子朝夕事歌弦平生邱壑心自喜千萬全此福幾人
得嘯傲雲莊前

邨居重九對菊

秋氣肅邇落衆綠日就枯斯花何不羣當此獨爛如有
如高世士不爲流俗汚又如守節臣可託六尺孤目爲
霜下傑綠名諒非虛肇余歌考槃數載山澤居每植三
徑移朝莫必與俱割席障嚴凝引索圍扶踈未發恒助
潤旣茂頰芟蕪揮勑恐見傷招蝶使相娛老來百念灰
爲花尙勤劬閉居愛重九我固淵明徒但憐尊屢空坐
聞佳節徂吾詩亦堪憐笑命兒童扶

田居

性癖喜郊野宅此十載強人云久自厭而我安如常飛
歸田類稿

卷四

五

走威舒徐耄稚亦善良口不挂人過所語惟稻梁相邀
坐樹根四顧多牛羊納納思界澗酒酒心境涼脩脩風
日幽忽忽身世忘公輸爲我拙孟獲威不揚儀秦詎能
舌趙孟卑欲藏向者豈知此近歲始備嘗疑古之人往
往皆高翔其樂乃如許諒足輕軒裳此詩君試歌六合
聲洋洋

春日雲錦池卽事二首

晴原日融融生意動林木信屢芳池邊風生水紋綠聚
散鷗亂飛出沒鴨爭浴物樂不自知觀者快心目緜維

霄壤間何物無所欲泊然風月懷頗覺惟我獨此福嘗
自量奚啻萬鍾祿夸者難與言但可詫樵牧舉頭見青
山新篇又須錄

樂闕不願仕昔聞陶令然而我山中居頗覺同前賢出

門雲水俱入室琴書全筆硯或少倦餘功到農田觀禾

割深翳行卉扶危妍移石

移石一作尋石

支卧松漑竹疏微泉

平生愛物心乃始遂近年猶勝馮唐老抱恨終綿綿

過龍門

山水何地無雄渾獨溯郡吾元此開基德澤被餘潤我

歸田類稿

卷十四

六

來自神京一路翠無盡大峯儼宸居小峯翼趨進劃劃

戈矛森鬱鬱龍虎奮連斷伏羲爻開合武侯陣值陰水

墨涵當霽金碧暈石擢九地根泉落半空韻霏嵐近可

挹聚落遠難認隨行變態殊顧揖不暇瞬如是凡數程

愈出愈神雋迤邐窮陂陀堆阜尚餘憤長茵塞草鋪碎

錦野花襯行涉人泝流道纍密吹燼方喜脫險危馬首

又千仞或云龍之門慵恍半疑信兩岸覆囊如中有怒

雷震白浪風搜穴蒼苔雨淋壘四時闢無關萬古磨不

磷仰觀毛骨寒闖入精爽紊沈沈飛鳥低泓澗去波迅

襟喉控全燕琛璧走諸鎮未知神禹手於此曾鑿澗圖
經不得詳排雲欲天問平生子長遊勝處神每靳豈期
驛塵邊乃足看山分奇觀自此窮造物諒無蘊書生氣
空豪疇敢角其峻掬泉滌筆塵吸露當杯醞詩語成轉
九羈愁破迎刃大書道傍祠千載寄高興

和元亨之葵事登厯下亭韻

漾漾東岡陂厯厯北山道於何澆煩纓勝處喜同到有
亭翼窮窿揭以厯下號衰齡憐危攀未免扶且導于時
方旱乾千里無寸潦甕欄身世忘羣景信天造

言色也
景象信

歸田類稿

卷四

七

若天
造

雲錦相縈廻水禽互翔噪邇峰純浸屏遐樹亂排

轟天輿幾今古依舊灤湖曠不見捉月仙嵐秀想應耗
悠悠割據人誰馴復誰驚緬思牛後羸何苦鷄口郤元
德仰帝虞凶威鄙臣梟方來當自圖已往詎庸悼須臾
客踵至先厯卻懷懍樵談激懦柔虎尾欲甘蹈盤殮留
衆實孰謂少陵傲茲游起余多外靜內遠躁雲天爲增
高煙水亦加奧蛟龍時嘯吟樵牧任衝冒何當分憲回
盍簪續今好

遠山如道藏近山如見逼老夫緩策行超遙歷阡陌清
風動林木浮嵐上市幘雲霧自遠來忽覺川陸黑霏微
數點雨顧視衣不濕野色含蒼茫如遊化人國平生喜
清景攬之欲杯吸詎惟可樂饑亦足已沈疾幽閒自能
年直恐人未識千載桃源春莫謂訪無跡

郊居許敬臣廉使見遇

野處欲忘世況乃平昔友寥寥數畝園甘此養衰朽茲
晨君見過童穉駭而走牙齰明郊原騎從隘巖藪輝光
生泉石意氣排戶牖握手論風心相看各自首疊疊及
歸田類稿 卷十四 八

經術眷眷接杯酒嘉我高尚懷一卧七年久自言微親
老亦欲謝紛糾從仕非不佳其奈多掣肘所以明哲人
往往去之陡此言公近諛彼節余何有本期野老俱孰
敢達者偶渺渺烟林合浩浩風隧吼涓涓水穿竹忽忽
日低柳出門俱黯然人影亂田畝

長安孝子賈海詩

天慙元載西土羅薦饑愚時拜中丞帝曰汝往釐嗷嗷
三輔聞十室九困疲行者總溝瘠居者恒餒而親戚自
魚肉遺恤父子離鄠縣甚有買塲力奉母慈闔門爲口

四一妻仍一兒操瓢日行丐有得歸母貽不幸值虛往
見母顏慙愧退省百無有滿屋風淒其以湯和糠乾進
母母不怡曰我勿汝飼非珍卽甘飴而汝今我哺以我
犬豕爲况我老且病累汝無歲時子懼目其妻無言弟
垂頭妻曰攜此子從醫無問誰市呼不見售復歸泣漣
漣子心救火急覓命累卵危陰攜至他所恩愛從此辭
解衣縊不殊反爲子禁持取盆拔佩刀手足隨紛披給
云黃犬炙雅於補衰宜母知口腹美不悟骨肉虧子幸
毋解顏不計妻攢眉余聞驚此言怒詰官失治使民至
歸田類稿

卷四

九

如此賑貸猶遲疑卽引造行省使細陳臺釐且命出兒
肉闔府徧示之旬諸相坐前余爲失聲悲促掾狀其故
聞上星夜馳或將復徭役或將表門楣或斥兼金賜或
遷好爵縻上以勸臣子下以安期頤廷議必不爽命下
會有時昔人有埋子天憐以金遺復有貨視者哀鳴走
通遠亦有棄半途完姪與相隨未聞及所愛萬古猶絕
奇嗟哉賈生心世俗彼烏知母以賈爲忍母以賈爲癡
子失或再有母失庸可追孰能庭桂惜使我堂萱萎惟
其持是心屠子如屠狸粵從王政圯風靡俗亦滴子囊

錢質朽毋篋無針錐子妾曳綺羅毋裙露膚肌不慮親
猶天以利爲根基不寃身何來以貨爲宗枝於物尚爾
斬矧乃襁褓私嗟哉買生心堪爲世俗規嘗聞前哲言
一孝蓋萬疵孝可包衆善孝可動兩儀孝可格鬼神孝
可賢聖期能孝斯能忠厥心自親移願彼爲人子終身
誦吾詞

過長白山范文正公書堂

長白何宕巖不有讀書室人云小范老於焉竟晨夕蕭
蕭翳荆榛落落林泉石卷卷往瞻拜赫赫如相及維宋

歸田類稿

卷十四

十

慶厯間羣賢麟鳳集孰先天下憂一疏丹心白中朝固
有人西夏諒難國力言師出凶深慮手滑失炳幾先見
明韓富有慚德奈何時相益欲碎和氏璧向非仁廟知
千載血應碧至今忠義氣高壓萬仞壁所以德業高要
自辛苦積功臣自古多動爲富貴役視公平生心霄壤
邈相隔但能一善兼亦足千年塞遺容揭日星未覺闌
塞黑長歌景行詩風林撼秋色

擬四季歸田樂

春

日月底天廟陽瘴土瓜生習習協風來顛顛衆螽驚農
人服厥畝薄言事春耕缺堤流瀧瀧灌木鳴嚶嚶白扇
颭青帘綠野明丹英蠶婦喜形色牧豎歌傳聲天隨野
色遙山與吟懷清向來慳一際今者幸四并稍祥子真
谷萬事秋毫輕

夏

北陵展修晷薰風薦微涼交波浩無津細路如橋梁溪
光林樾潤雨氣桑麻香春聲破幽寂人影來微茫缺垣
誰所居紅碧相低昂翁媪老瓦盆兒女前捧觴我行適
歸田類稿 卷十四 十一
見之亦覺心樂康昔聞太古俗今歷華胥鄉向令早知
此詎使田園荒迷途諒非遠淑景良未央於焉遂平昔
孤陋庸何傷

秋

黃雲亘郊野農力今有功茲乃民之天治理根其中我
雖未及粒已覺饑腸充田頭父老過擊壤今歲豐自愧
無寸積坐享雍熙風秋成既如彼况對菊與楓氣澄天
宇高心寂塵累空木落山獻體波縮沙留蹤遐興何悠
悠迅景何忽忽俯仰田舍底或能保初終

冬

歲晏日南至揚圃靡所勞告成三務功盈耳康衢謠鴉
飛嶺外坡虹斷林邊橋將期養踈拙詎厭居寂寥負暄
坐晴簷煦煦春滿袍對山閱吾書懷古酌彼醪此樂天
所靳何幸及草茅雖非鹿門龐或庶彭澤陶爲詩寫幽
尚刊落華與豪集以貽知音悵望心搖搖

歸田類稿

卷十四

三

歸田類稿卷十四

元張文忠公歸田類藁卷十五

應城 張養浩希孟氏 撰

同邑後學 周永年書 員良 毛 茲載之氏 校刊

七言古詩

題周氏池亭

東風吹樹飄紅雪碧雲冉冉迷林樾入門高掛四面窻
水光山色尤奇絕恍疑造物同我遊參差夢裡金銀闕
眼中不見無極翁閉殺濂溪舊風月

待鳳石 并序

歸田類稿 卷五

一

余近得奇石一田兵部師孟同臺掾杜李先過
而觀之遂名曰待鳳以其一峯橫出若待物來
棲者因而名之余嘉其詞雅而意深故爲之賦
岐山鳳去天爲老間殺蒼梧與瑤草空餘陳迹十丈臺
只辨烟霞說凡鳥朝陽一鳴三千年天地此心何日了
幾回夜月琴罷彈彷彿玉音來縹緲雲間九苞望不見
凡上一峯空自好青天倘與達寸誠白日終當見孤矯
古來奇士志頗同抱玉樊邱不爲少子陵坐鉤桐江春
正則行吟楚澤曉白石甯戚半夜歌太華希夷五雲遶

兵曹命名寓世箴迂叟有詩成腹藁斯名但恐還徒然
喜極二豪俱悄悄

同潘獻臣元復初張子昭高巖寺賞白蓮

雨過琳宮失殘暑行枝翠濕低蔬圃入門倍覺老眼明
寒碧一盆花四五不勞掛席雲水鄉坐覺西湖在眉宇
蒲搖風影劍無庭荷瀉露華珠返浦龜魚江海均意適
蘊藻王公亦心許何年仙子謫帝居驚到維摩散花女
三生夢斷金沙灘未必香魂遽塵土同來數子俱好事
爭擲青鳧醉鸚鵡坐中老衲計更奇暗伏毛錐不時舉
歸田類稿

卷十五

二

忽聞題詠須卽席衆氣勃然齊一鼓或昂或俯或吻鳴
或蹙或顰或目語或先磨墨務速成或已終篇耻輕吐
須臾能事俱告畢白壁明珠爛盈廡論功行賞四座譁
我不能然觴甘楚從今風雅會當日一作時轉首秋容泣
寒雨

萬年松 并引

萬年松生五臺山中長三寸許好事者采置諸
囊或夾於書簡不許歲時幾何出而水之則生
意輒復以故土人謂爲萬年松日者田兵部師

孟以數本見貽且曰當作古風一章惠我願爲
篋笥之光乃爲之賦

君不見崑崙有柏干似強青天雷雨蛟龍翔人間斤斧
日相踵奇材政恐終自戕又不見樛櫟擁腫無何鄉匠
石望知非棟樑孰令枝榦隘寥廓萬古齒冷南華莊豈
知此樹生寸許不爲刑累恒蒼蒼貞心勁氣恥止著雖
遭縛束仍芬芳微根纏糾亂石髮細葉茸密攢鍼芒呼
童汲井滌烟翠老眼但見叅天長傳聞產自金色界貝
典不載不可詳天花羞落居士室祇樹傾倒梅檀塲吾
歸田類稿

卷十五

三

秀碧

家秀碧雅相稱峯巒戲縮雲微茫一從植此向幽寂劍
戟森然光射堂天公豈以我爲戲故遣二物陪徜徉穹
林崇岳漫霄漢而我亦笑造物狂古今何事非幻景榮
枯美惡均亡羊作詩寄謝子方子何時更爲齊東野叟
分滄浪

有客自和林廻惠怪石拳許峯巒隱然色明潤

可愛因各曰秀碧遂作是詩荅之

有客至自元宴國袖攜一峯元氣濕知我雅有山林思

和雲持贈曾莫惜嶙峋玉立三寸強意氣巋然壓秋色
初疑女媧醉墮髻切火不燒千萬億又疑鼎湖遺寶劍
水齧惟餘半尖碧苔痕剝盡出本真頓覺嵐光異疇昔
虛堂晝永爐烟微目擊道存真莫逆若令解語儘可師
政使不高何損德聖門顏子具體微齊國晏嬰才六尺
物形果有大小殊達觀元無高下隔褰裳欲陟還踟躕
一笑詩成山鬼泣

天屏歌

并序

延祐四年予以公糴適中都傳過懷安山中得

歸田類稿

卷十五

四

石如版者二文理類林薄根枝柯葉毫分縷析
高下鬱然微有丹點朱痕隱見其上遂名其一
曰林梢遺照一曰木末餘霞總而名之曰天屏
視彼區區人力爲者蓋相萬矣嗚呼豈化工之
筆山靈不敢私秘因假余以示世耶故志其狀
而系之以歌其歌曰

懷安山高去天尺巖壑尋常烟霧黑豐隆力盡挾不開
中有神君寫秋色老寬走避營邱潛關同愁絕郭熙泣
物生應亦憤太專故奪英華發之筆塗雲爲葉虹爲柯

所記雖殊生意一高者如巨人傲鬼不可卽一作低者

如始孩頭角已岐嶷繁如秦擁百萬兵疎似周釐十二國何年龍虎遺大還數點和烟厭空色嘗許真宰元無心以此擁窮知未必無乃羣木陰射透三生石老蚌曾食明月火光鏡能褫太陽魄莫靈兩曜彼尚侵野外蒼枯復誰不不惜那得面目真自本一稍而無或怪禽欲止還周章獐獸驚看爲辟易天生神物豈偶然出示終當須有識我來適值春色闌紅雨滿空塵不濕緣道方謳吟披荒見奇蹟笑攜元氣歸袖裏東海窄呼童汲沉

歸田類稿

卷十五

五

漉老手自摩挲黃雲卷盡桂露丹夕日欲沉霞散赤麗水休沐金荆山莫搜璧政爾苦索居邈迨得莫逆明窓撫玩清畫閣却願龍沙永爲客緬思窮壤間二氣互消息萬象從發生不作史楮刻如何此段奇直欲毫髮析無聲詩句誰可續照座白石影搖壁雲毋祇足俗眼遮錦帳何曾奇禍隔梅花捲月坐卧具未許閒愁闔吾室第恐夜半六丁排闥入

餘歡堂爲許仲文作

燕山元氣橫秋高下有逸士思鳴臯沉冥一世湖海豪

掉頭不與王公交九鼎腥沸庖鼓刀何如時薦溪澗毛
紅樓夜月龍鳳簫歡聲輸與康衢謠食魚豈必橫海鰲
娶妻安用傾城妖鄧林喧鳥止一巢蝸角幾許戈矛操
平生此意湯雪消人知不知自囂囂有田負郭惟釀醪
有子教義期無驕赴人急難若已遭奉親不使親知勞
長安喬木風雪號一庭蘭玉祥雲飄古來大隱多市朝
烟雲徒起終南朝召南董生稱自譙洛中康節誰能招
清風未覺千載遙書堂合賜餘懽褰余漫爲軒冕膠
辱齊山岳榮纖毫日中奔走影詎逃何時並駕塵寰超

歸田類稿

卷五

六

詩成撫卷心忉忉

題李太白登泰山觀日出圖

岱宗鬱鬱天下雄謫仙落落人中龍茲山茲人乃相從
氣奪真宰愁豐隆玉堂一任雲霧封長嘯飛度秦皇松
夜呼日出滄海東再爲斯世開鴻濛鈞天帝居深九重
醉舞踏碎青芙蓉天孫玉女爲斂容却視五岳秋毫同
長鯨一去不復逢乾坤爲黑號秋蟲當年咳唾留絕峯
至今樹石生香風我欲追之杳無蹤不意邂逅會此中
屋梁落月依然空

謝益都宣靖王賜酒

往年帝爲民食艱，麩生遠謫瓊崖山。渴欲江湖入吞吐，
吁嗟無路無從攀。矧予幽獨久林壑，風月齷齪烟霞慳。
茲辰復何辰，佯來白雲間。田夫走報釋鋤樵，耆起視
遺荆菅。老夫聞言數郊望，喜氣千丈虹霓彎。汲泉躬洒
苔蘚徑，設榻旋啟松雲關。蠹編整頓匣，綠綺鶴擎抖擻。
巾白綸，肅容導入方丈室。雙瓶古錦封，爛熳使云賢王。
鎮東土知汝勇退辭朝班，惟名惟利世羈鞅。自非真悟
孰能刪，公車屢走不一赴。冥然物外甘伏跽，擬崇退讓

歸田類稿

卷五

七

厲趨競我酒我飲，今汝頽無功。冒受恐非福，令人發媿
顏。爲殷金莖玉露，天上春奇香。驚倒萑與蘭，投筇伏地
再三拜感激。一作佩殆欲涕泗潛平生，自忖非俊才。鈍如

鴛，乘拙若鴉。有巢拳許不能葺，架虹敢效公輪般。強爲
血指，不知免所以。袖手避謗訕，而人誤此作高尚。適足
於我爲恫瘼，譬如嬰孺本。好弄孰知不戲，由癡癩伊誰
持此。誰清聽，徒使軒蓋臨溪灣。西村傳聞誠翁媪，東嶠
來覩扶惇鰥。林花動色汀草舞，園鳥亦爲鳴啾啾。一酌
破枯寂，再酌伸緞僂。三酌蛻塵世，詎止方寸悠然憫。白

日爲我永太古爲我還何當大稔遍賜醑坐使六合皆
懽顏鄒枚文雅謝無有但能飲啜寧非頑開筵幸許圓
諸叟侑席不必歌雙鬢地屏岫回互雲幙天圍圖山中
闐至音漱玉溪潺潺只此一朝樂可當千載閒淋漓青
霞裾錯落明月環氣復少時盛形改中年孱望望蓬來
宮縹緲仙所寰長肅恣游歷百怪誇神姦阿羅現十身
獨俗呈全班堅吾尾幽巖奢此蹤羣蠻大鵬搏扶搖膽
落鷗鴉鸞倒海騰天吳魂褫犀兕豕鯨不足而翼魚不
鱗而影樓臺構半空隱隱如城闌抵掌陽侯癡怒目空
歸田類稿

卷五

八

爾取不解藏至寶珠玕落樹聲珊珊異光天燭龍天矯
翁忽變化不可扳湘如鼓瑟侍姑射姿態不類凡姬嫺
下方半世惡緣重夙愆從此或少鏗須臾松風作怒忽
吹覺但見綽然亭下烟波萬頃飛白鷗

詠亭中杏花效韓文公體

曩余京宦恒寡悰程書惟懼日不供春行偶與桃李面
星火未始能從容居嘗發憤心與口若歸永與花相從
自酬夙願返田圃幾年種杏尋無蹤或及尺寸鶴見啄
或甫萌芽雞交攻東君無乃亦薄惡不使生意間門鍾

邇來移植惟兩株自藩自樹水土封心虞傍樹奪厥秀
割愛爲枿窻前松殷勤發視曾幾時一旦英發喧羣蜂
大枝矯如奮小枝儂如恭枯不入焦槁麗不淪穢穠晨
陰慘慘恨何積午霽泚泚色欲豁風香一榻春漠漠月
影滿地波溶溶爛遊雖未曲江比詠玩已勝京華逢度
高僅出墻數尺數芳奚翅花千重行窺坐對有餘喜朝
吟夕詠不復慵平生愛玉欲成癖邂逅獲此瓊與琮有
時幽鳥鳴其間洋洋盈耳笙箏鏘時君顛覆爲瓊蕊楚
客憔悴爲芙蓉明皇不悟海棠禍鄭穆竟坐芳蘭凶世

歸田類稿

卷五

九

俗共重姚魏花推爲萬紫千紅宗孰知於世略無益不
實而艷徒丰茸吾聞甚美必甚惡政使斗許將安庸滔
滔泥色古今一奔賞謾使人憧憧彼居塵土已爲失沉
當池館繁華衝且如此樹人境外孤高無異楚兩龔獨
超衆好識者誰雲莊老人鬢鬢鬆逸情搖蕩山水窟新
詩軒豁風雲胃遮寒不用錦步障取醉自有玻璃鍾山
中交友殘客無惟漁惟牧惟樵農相過邂逅爲絕倒或
遣中幘或投筇天公豈悔前日慳著意重染迺爾濃却
愁風雨妬春色儼欲訪古學象龍平生富貴土苴視爲

花如此還憐儂停毫不覺笑良久野州落日昏高塘

書大唐中興頌後

維君南面非自娛將使率土皆寧居一人縱欲萬夫病
不惟亡國兼亡軀三郎初年亦英銳講武風動驪山墟
姚崇力用破羣議喜猷善政不一書台衡繼以宋廣平
貞心烈日秋霜俱自從政柄歸偃月鴛爲鸞鳳麟爲猶
幽陵乘隙弄王室愛之如子矧肯誅養成跋扈悔無濟
六蜚失馭蒙塵趨忠王但可盡子職因危被袵徒嗟吁
幸然天未斡神鼎盜手奪出驪龍珠唐家累世懼女禍
歸田類稿

卷十五

十

一車纜覆又一車奈何目擊昧殷鑒乾陽甘爲羣陰驅
乃知君德貴剛健不爾何以令八區於戲後來其鑒諸
於戲後來其鑒諸

石鼓詩

粵自鴻蒙剖元秘天祚有熊炎帝繼侯剛覃思神與凝
摹寫三千入書契蒼姬一變史籀出鯨攫鰲吐鳳鸞振
羸秦自帝不古師遂使姦斯愚叔世當時玉筮天下獨
爾後爭奇古文棄未流諸子相祖述司樸遺淳趁姿媚
我嘗慨此愧疎淺一髮空危萬鈞係場來庠宇觀石鼓

玉立儼然三代器細思伊始將安庸或謂宣王章獵事
且疑且信邈難詰日月羣陰欲食旣或爲雷電下取將
僅餘二百七十二貞堅不墮劫火灰蒼古猶含太初氣
世間鍾鼎瓦礫如隻辭千金未爲貴昌黎作歌恨才薄
坡老來觀惜時異區區流轉又幾朝終不能忘見天意
若令好事堪把玩攘竊恐應窮萬計平生漫有博物名
追視不能詳一字沉吟獨立西風前喬木荒烟日西墜

毛良卿送牡丹

并序

同閨毛良卿家牡丹盛開意余一過而未敢顯

歸田類稿

卷五

十一

言日者以折枝數花見貺余愧老嬾不敢副其
意故作是詩以釋之

三年野處雲水俱逢春未始襟顏舒故人持贈木芍藥
慰我意重明月珠入門神采射人倒荒村爭看傾城妹
急呼瓶水浴紅翠明窻淨几相依於自言私第惟此本
每開蹶蹶窮朝晡樹高丈許花數十紫雲滿院春扶疎
栽培直訝天上種熏染不類人間妹有時風蕩香四出
舉國皆若蘭爲裾貧家蔀屋僅數椽照耀無異華堂居
天葩如此忍輕負轉首夢斷巫山孤明當灑掃遲晷烏

未審肯躡荒寒無余聞感德良勤劬久習懶散倦世途
深藏非是德公傲索居莫哂儀曹愚禁厨一嚮味已得
類推固可知其餘君持詩去爲花誦蜂蝶應亦相懽娛

遊香山

按曰下舊聞載
此詩僅十二句

山行彌日山益奇亂峯挾翠如吾隨遊人如蟻度林杪
細路一線雲間垂茫然四顧動心魄嵐光蕩秀浮雙眉
路迴寶刹忽風墜大鵬九萬離天池林烟媚景翳復吐
欲見不見神護持松藏雷雨太陰黑泉林巖蔽銀虹馳
我來青帝已迴馭太古殘雪猶離離一聲鴉鳩百花落

歸田類稿

卷五

三

兩崖紅雨春淋漓笑驅虎豹坐盤礴悠悠萬古歸支頤
須臾興盡下寥廓長風入送雲邊詩蓬萊堯率杳何處
無乃造物移於斯往年夢裏記曾到先聲已爲猿鶴知
惜無奇語勒丹壁坐令清賞成絕癡斜陽忽將暝色至
山靈應怪歸鞍遲人間勝事忌多取母使樂極還生悲

贈劉仲憲

并序

仲憲衛州人以儒掾臺省者十餘年清苦如一
日人饋遺皆不受能詩喜談政治嘗謂爲天下
不自農桑始三代之盛終不能致問嘗叩之其

言激切或至淚下余器其人類古君子故以詩
贈之

廟堂鼎食窮水陸風紀惠文寒聳玉而君名位不省臺
常見私憂結眉目竭來我過白所懷如在未伸功未錄
諄諄三代治安本修水火金并土木烝民旣粒教乃敷
和氣春風生比屋自從秦鞅廢并田王政緣夢民濕束
利歸兼并富嚙貧萬世禍基從此築漢興文帝殊有爲
瓦礫黃金金玉粟蠹農一切悉禁絕千耦如雲四郊綠
下及魏晉隋唐或耀武功或貨贖盡剝民力供上需

歸田類稿

卷五

三

何異養身還餌毒間時偶爾值小登悔禍元出天公獨
勸農使者徒上功虛麗祗堪文案牘釋騷後迨五季間
競投錢鏹懸刀鋸民間十室九皆宓父子幾何不溝瀆
吾元有國天所資世祖躬歷艱難熟未遑禮樂刑政頌
首闡可農惟稽督至今在在著作林枝幹排雲葉猶沃
當時治效槩可知行不齎糶居露宿茲非前聖後聖規
豈特千年萬年福統元欲復今何難政坐因仍弗加勗
駿奔期會誇獨賢深竟根株銜能獄毀方求媚爲通融
滌垢搜癥稱榦局嗚呼是豈經遠圖刑剝誰虞覆公餽

孟氏古稱王佐才，照世格言星日煜。論治略無奇異聞，唯說耕桑與鷄畜。使當此日出此言，可比諸公盡輦輿。聖賢於彼非不知，但恐違天拂民欲。竊嘗窺管得一班，端本澄源在當軸。仍擇師帥專撫綏，且論臬司精考鞠。灼行黜陟表惰勤，重立賞罰旌慝淑。如斯下土不裕寧，伏鑽市朝甘顯戮。我聞其語汗雨如，始也解頤終項縮。半生醉夢鄭衛音，一旦醒心韶濩曲。劉君劉君策固佳，俯仰悠悠知者孰。傳存拾瀋示永箴，書著興戎昭往躅。君不見東家求官交，近侍西家豪富相。徵逐奈何溫飽，不自謀日爲黎黔。欲長哭我知君心，如古人我知君才。非世俗子牟身，遠志在廷梁。父調高音振，谷賈生流涕。叫虎關屈叟，甘心羣魚腹。舊聞造物輔善良，比歲看來亦翻覆。紛紛已往始，莫論目擊試。將吾友卜承家千里，止一男半夜麒麟去。何速淚巾未燥，女又殤蘭玉埋香。見無復士夫固，以貧爲常門戶。邦堪禍相屬，我嘗送米猶見却一芥。他人肯輕觸，處節義愈凜然。風雪倒山松柏蠹，邇來蹤跡尤可嗟。十倍戒途輿，脫輻勞勞簿領頭。班白承務酬官在昏迷，否極或者泰運還有詔吏止。

七品服君由弱冠冠儒冠一槩誰分鸞與鵬世間屯難
表裏攻阮籍途窮未爲促昨朝跋馬過所居圭萼荒涼
雀堪撲座無裊褥甌生塵皮有詩書盤苜蓿歸來歎羨
原憲貧却顧輕肥還自惡蹇余亦本山野民仕路強趨
終踏跼向非親命須官爲定買烟霞事耕斲書生所見
畧頗同欲奮不能寧韞櫝因知世事如意少詎止君家
爲不足子孫筍列多冥頑玉帛山堆足憂辱國忠貴顯
奴隸憎黃憲清貧古今伏人生果在官有無可與智言
難衆告令晨霽色雨洗新羣木疎明麗朝旭一杯陶寫

歸田類稿

卷五

五

千古情我起踏筵君擊筑天開羅幌雲千疊地展錦屏
山四簇不須華俎飭薨蠹政要露杯羞杞菊須臾酪酏
彼此忘哀玉滿庭風動竹

過長春宮

往年嘗夢蓬萊宮三山鼇背搖虛空滄溟俯視一衣帶
銀河鼓浪來天風茲遊良不異疇昔半日恹恍迷西東
平生頗似有仙分足跡未到神先通層樓複觀此誰構
只疑天巧非人工繞簷松影黑於海步驚棲鶴翔雲中
西山亦喜得佳客巍峩相向如爭功遼金興廢渺何許

令人一笑憐鷄蟲須臾遍歷至方丈壺酒盤果羅青紅
心清已覺破煩暑左右况復扇兩童道人見我樂幽勝
故爲留戀談無窮鼎鑪百沸失膏火風水萬里忘萍蓬
默求詩句爲相答半醉揮出毫端虹烟雲滿室動鬼神
不但爲彼開盲聾笑談人境兩相稱此會詎與尋常同
却愁歸去到塵世又隨俗迹墮樊籠

西巖醉筆

興來放步白雲嶺海濶天高異人境亂山萬馬東南馳
只恐郊原碎俄頃乾坤誰管白鳥閑今古空餘野烟冷
何當結屋最上頭擺脫塵紛事幽屏

歸田類稿

卷五

七

元張文忠公歸田類藁卷十六

厯城 張養浩希孟氏 撰

同邑後學

周永年書昌氏
毛 荃載之氏

校刊

五言律詩

公退書四知堂壁

邑壯憐才弱官微慮患深
韋弦千古意冰蘖一生心
袖有歸來賦囊無暮夜金
二年何所得憔悴雪盈簪

上都道中二首

窮叵惟沙漠昔聞今信然
行人鬢有雪野店竈無烟
白歸田類稿 卷十六 一

草牛羊地黃雲鵬鸚天故鄉何處是愁絕晚風前

幽都風土異六月亦冰霜
草池寬於海土山低似牆
茹毛民簡古嚙雪客荒涼
自媿成何事子然天一方

御河舟中

水路苦多阻扁舟之字行
去雲猶雨點來浪自風聲
顛倒驚人影經過問地名
胡床掩樓底未覺負鷗盟

久雨初霽書所寓壁

凝雨歇簷滴頑雲開日華
冗垣驚暗笋捨地惜幽花
市隱靜於野客居閒似家
故園亦皆寓心定自無譙

自堂邑移改博平權縣事

吾邑堪藏拙胡爲又此臨四知民過譽三語吏驚心越
俎慚非據操刀媿不任幽懷誰與語風竹有清音

送宋故文丞相孫章甫上西省都事

之子名臣裔何堪簿領拘盤根知利器滄海見遺殊河
出崑崙遠山餘碣石孤翠紅蓮幙底佳句未應無

送姚學士

游目當今士獨公文柄操江空孤月白天濶片雲高班
馬知誰配王揚笑爾勞盛名千載後江漢日滔滔

歸田類稿

卷五

二

雨後行縣

命駕行農事江天欣晚晴泥塗遲馬足風樹遠鶯聲川
迴水雲活花濃田野明長官非酷吏耆老不須驚

廉園秋日卽事

雲物經秋慘陂塘過雨渾身閒韻簡策意得略琴尊強
聒蟬多事輕離燕寡恩吾詩雖數語喜欲筆諸門

廉園會飲

倥偬常終歲從容偶此閑霧松遮老醜雪石護蒼頑池
小能容月牆低不碍山殷勤問沙鳥肯與側其間

晨興用俞立之韻

寒碧洲痕淺深青地勢平岳姿呈雅淡樹影碎空明
牕納一天曉人懷千古榮移床高處坐遙看日東生

冬夜早起

推枕人初起出門星尚存歲寒郊野澗天早樹林昏
牕影猶殘月鷄聲已遠邨孜孜何所事時取故書溫

我愛雲莊好九首

我愛雲莊好夕煙樹半腰亭高無近矚歲樂有新謠
農糞初開地童梁已壞橋眼前皆事業何必立人朝

歸田類稿

卷六

三

我愛雲莊好幽深稱隱居許生好山水陶令樂琴書
梨柿風霜後松筠雨露餘徜徉今數載心賞一如初

我愛雲莊好溪流轉玉虹驚飈荷背白殘照鳥身紅
遠意微茫外真歡放浪中終身能若此甘作灌園翁

我愛雲莊好依稀孝敬村隣誇蠶就簇奴叱犬當門
流水幽棲谷深衣獨樂園只今誰得此高興欲雲鸞

我愛雲莊好柴門谷客稀行田蟲撲帽坐樹蟻緣衣
雲水一銅鏡霜林萬錦機東岡陂故在辭聘未全非

我愛雲莊好絕無聲利塵林篁清耳目編簡肅心神
种

放非樵客

見宋名臣言行錄

焦先豈野人

見三國志管寧傳

此心幸無

屈烏用更求神

我愛雲莊好衡門晝寂然
苔香花覆砌石潤竹通泉
獨處蓬爲室閑遊杖挂錢
白頭鄉社裏未覺媿前賢

我愛雲莊好光風四季兼
泉聲聞隔屋花影見垂簾
邱壑閒如傲門庭靜似嚴
箇中何限福動止不須占

我愛雲莊好民風太古淳
婦勤絲滿篋兒嬾視凝塵
秦系唐高士張融齊逸人
只因疎散久每每忘冠巾

自松

歸田類稿

卷六

四

忽忽又終日悠悠仍此生
道心知有負學術媿無成
邱壑徒留意文章浪得名
從今都憂去密體聖賢情

惜鶴十首

并序

鶴仙禽也由凡翼非其比
恒不爲世人所愛而愛之者
往往皆山林中人蓋物以氣
合理勢然也予嘗得其尤者
一豢之旣久翩躚與人相習
日者爲田姬傷其脛凡兩月
斃惜哉因取其始末作十詩
將以慰其不幸云爾

購鶴

野處幽獨甚千金得令威挾雲出塵網領月到柴扉
足防颺去遮庭使學飛自今湖上路樹石亦光輝

友鶴

雲雨手翻覆紛紛知已誰元裳真莫逆皓首誓相期
把酒或前舞游山時後隨會當作人語細雨話瑤池

病鶴

渠本仙家種胡爲久不安強行時榻翼歎立恐遺丹誰
藥相如渴獨憐范叔寒一鳴雖喞喞猶自徹雲端

醫鶴

歸田類稿

卷十六

五

饋藥人空數乘軒氣漸低無心吞餅餌何處覓刀圭
日資丹火挾泉洗羽泥漫令通臂友時復過幽棲

挽鶴

共處人烟外誰期禍乃身九臯空有恨四野欲無春
華表雲應淚瑤臺月亦塵當年林處士泉下定相親

招鶴

歌徹楚人些冥冥恨益增楓林空落月甲帳只寒鐙
仰問天無語升呼谷謾應料隨風露氣飛入亂山層

瘞鶴

非爲恩帷蓋從遊歲月深忍令一杯土埋盡九臯心致
莫攄情素爲銘表德音小松栽尺許悠久庶能尋

憶鶴

玉立昂藏態山中我與君幾年遊賞共一夕死生分徐
步閑窺沼高飛遠帶雲爲誰重起舞倚杖立斜曛

夢鶴

岫幌鐙昏處依稀見瘦軀引吭如有訴側頂不容呼枕
上行雲繞松梢落月孤堪憐漆園叟漫爲蝶區區

圖鶴

歸田類稿

卷六

六

百計無從見明牕吮筆圖研朱染霞頂屑玉抹雲襦野
狀雖非似山居亦勝無卻愁風露夜拔宅上天衢

飲城南劉左丞別墅

繚白汾山露含暉近水亭青林雙宰堵紅樹萬娉婷投
轄從陳醉沉湘笑屈醒黃昏休繼燭海月上青冥

山行二首

行徐忘路遠偶爾到山村斷嶺雲通氣顛崖樹倒根望
深增暝色坐久愴吟魂歲莫求田意悠悠孰與論

一嬾將成性春游尚爾勤花欵知雨力水皺見風文碧

落一明月青山半白雲卻愁從此去塵冗又紛紛

憫農

父子傳衣出夫妻起熟分未言先欲泣乍見內如焚微負敲門急充飢飲水勤何當天雨粟四海共懽忻

鑿池

野性喜觀水開池臨小亭雲天雙玉鏡波日萬金星魚鳥新歡遠江湖舊夢醒風行文自渙三復聖人經

晚霽

老懶便幽靜空亭步翠行牽牛上籬落鬪雀下簷楹斜

歸田類稿

卷六

七

照怪牕影停雲足野情田園無限樂夫豈爲逃名

村居春晚

門掩烟霞影間身自覺榮年符天地數心逐水雲盟知
褐無時事深林有暮鶯清風生几硯老子又詩成

晨起三首

夜永起常早微吟步繞籬形癯山亦病腰偏樹尤奇
欹
月斜明屋稀星冷浸池裊然田器響隣叟出茅茨
叩戶人求火踰牆犬吠林天疑山外盡雲覺水邊深
耿憐身世茫茫慨古今東阡與西陌誰識莫年心

戀枕嫌多夢開簾曙色迷鶴寒依戶立猿餒近厨啼
石泉鳴屋吞烟樹隱隄村居真可喜觸處是詩題

池上

地僻有餘勝扶筇步繞池鶴欣常自舞魚定恍如癡
野日融春意籬烟動午炊笑呼華與鵲聽我綽然詩

半仙亭獨坐

世路謝奔走雲山隨起居雨晴花窈窕風夕水紆餘
膠漆漁樵我筌蹄筆硯書浮生星火底真悟者誰與

乙丑山中拜詔

歸田類稿

卷六

八

門外傳呼詔堂前散盡雲恩榮被林木惶懼到鷗羣
才拙疎經濟學荒寡見聞五年凡五聘深愧報無勳

磐石

晚晴磐石上秋與興無垠止水可觀性好山堪醉人羣
金明野景幽獨遠囂塵野鶴忽飛起詩成應又新

客中寒食

鶯燕與春競綺羅乘夜遊東君何倣儻北客獨淹留
蘆藻先瑩夢萍蓬故國愁冥冥心語口何日大刀頭

觀菊

始旦起觀菊滿籬金翠明色嚴霜亦懼香盛世皆清凜
有英雄氣泊無兒女情柴桑與吾土元自不多爭

半仙亭秋暮

野處宜秋景霜林遠更紅虎溪無俗駕鶴肇有仙風稿
葉鏗然下新題偶爾工閒來檢身世頗覺昔人同

遂閑堂獨坐

疎拙閑宜處豪華老自降瓶梅疎浸玉庭檜密聯幢猫
嚙硯池水鶴眠書舍牕村居吾所喜非儼鹿門龐

早起

歸田類稿

卷十六

九

謝政身無責家人怪宿興束枯吹鼎火鑿凍汲池水鴉
宿聲俱寂鶴寒影欲凝湛然平旦氣自覺興多增

元張文忠公歸田類藁卷十七

厯城 張養浩希孟氏 撰

同邑後學

周承年書昌氏
毛 苴載之氏

校刊

七言律詩一

過舜祠

太古淳風叫不還，荒祠每過爲愁顏。
蒼生有感歌謠外，黃屋無心揖讓間。
一井尚存當日水，九疑空憶舊時山。
能令子孝師千古，馨叟元來不是頑。

登泰山

歸田類稿

卷十七

一

風雲一舉到天關，快意平生有此觀。
萬古齊州煙九點，五更滄海日三竿。
向來井處方知隘，今後巢居亦覺寬。
笑拍洪崖詠新作，滿空笙鶴下高寒。

和田師孟春夕韻

翠暉紅濡雨霽初，一軒深靚稱幽居。
艷雲流月天機妙，華表撐秋鶴影孤。
勘破宦途盤谷序，蹴開天網漆園書。
何時舊憶相携去，君種山田我水漁。

驛途小憩書田家壁

疎麻浙漚露落籬，雞犬花陰白日遲。
杯飲窪樽存太古

標枝野鹿見今茲荒城路轉山孤聳古廟墻摧樹半欹
我本三生田舍叟買牛賣劍定何時

直省

是非榮辱日相尋壯歲何堪白髮侵三釜若非親有命
片帆應與世無心天公所靳惟清福交友難逢是賞音
何日超然遂初志溪山佳處恣登臨

初拜堂邑縣尹

一縣安危任不輕初聞恩命喜愁并徒勞人爾豈吾意
何以報之惟此誠操刃豈容傷美錦循牆誰敢望高名
歸田類稿 卷十七 二
前賢爲尹規模在他日須期與抗衡

堂邑遠心亭飲歸

小雨林梢生莫寒野亭朋酒暫盤桓美蒼始見春風巧
作牧方知政事難吉網羅鉗非我志堯年舜日儘民歡
他時考績甘書下自有知音後世看

登憫忠閣

一閣渾疑鬼搆成倚欄天外壯心驚河山都向掌中見
雲霧忽從胸次生死戰一時皆朽骨憫忠千古定虛名
只今兵裏臯臯比了留與殘僧樂盛平

飲平則門外崔氏別墅

十年夢斷鑑湖春，彷彿中郎賴虎賁。
佩解瓊瑰愁漢女，機閒雲錦失天孫。
日光亂軌波光碎，野色遙連樹色昏。
愛殺主人清且古，相邀石上共窪樽。

元日朝賀

綿蕙區區笑叔孫，聖元自邁漢君臣。
鳳龍齊舞雲閒樂，虎象爭輸海外珍。
仙仗分開丹禁曉，朝班浮動翠華春。
與天同大惟王者，今日方知此語真。

挽劉夢吉先生

歸田類稿

卷七

三

白髮山林僅四旬，兩朝不肯屈經綸。
才名暗折世間壽，氣節偉高天下人。
康節縱吟無限樂，希夷高卧有餘春。
一生懷抱誰能識，他日休猜作逸民。

過中都

三月龍沙春未知，雲山環野玉參差。
半空蜃氣雲閒闕，一路驪珠馬上詩。
豐沛漢皇湯沐邑，幽岐周室治平基。
我來歷覽開天處，億萬斯年理固宜。

題康信夫宅湖石

翠竇寒生太古苔，乾坤元氣此胚胎。
一峯雷震崑崙裂，

七竅神剗混沌開呼丈便宜床下拜和雲誰負座閒來
不須更作山林計已覺高情隘九垓

送德機赴海北道憲司知事

金薤銀鈎兩絕奇才華江右捨君誰一官毛義榮親日
千里呂安懷友時叫斷霜天鴻鴈瘦吟殘山月鳳鸞飢
從今夜夜江湖夢說似楊花未必知

早春郊外

去歲春光蝶夢空今年邂逅又東風岸水欲泮猶蒙甲
汀草將抽尚鞠躬一氣未嘗停晝夜百花何處認青紅

歸田類稿

卷七

四

新詩亦在氤氳裏說與當年太極翁

春日水邊

袖拂烟霞坐釣磯登臨終日澹忘歸鶴嫌客俗穿雲去
燕喜春陰掠地飛樓外長江流世事雨邊殘照媚林霏
一間久與時清遠尚賴東風不我違

城樓晚眺

禹跡茫茫畫九州斜陽古意滿林邱嘯呼風月來詩卷
醉挽山河入酒甌華髮半簪天與老丹楓兩岸水分秋
逢人莫話功名事且道甘心落魄休

秋夜枕上

繞屋江聲風夜呼一燈搖影客窻虛俗緣去盡猶懷土
習氣未除尚嗜書今古等爲浮世夢林泉空憶故山居
何時真遂平生志野鶴孤雲縱所如

寄應下諸君

張飲東秦記昔年衣冠傾倒漢陵園禮忘賓主觥籌亂
聲攪絃歌笑語喧世路勞形真左計人生行樂是名言
舊游回首何時復腸斷春風灤水源

過東方朔廟

歸田類稿

卷七

五

七生高識絕當時誰道偷桃舊小兒揖讓不逢三代盛
滑稽聊自守身危草荒漢備雲承宇苔蝕顏書雨澁碑
我亦從來惡苛禮斜陽遙望齟空巖

題廉野雲城南別墅

鐘鼎山林果孰優羨公騎鶴上揚州田園獨占人間勝
懷抱尚餘天下憂

公之父有堂名德樂

好爲習池留故事未應綠

野美前修半生乾沒塵埃底羞向滄浪照白頭

承宣堂早衙

桴鼓無聲獄市清南風吹綠滿槐廳要囚報念五六日

華髮又添三四莖
胥吏把書趨鴈鴛
才兵持挺趾堦庭
職微尚恐才難稱
敢效龐公醉不醒

齋居春暮

漂泊東君底處家
落紅風捲赤城霞
半窻春夢子規月
滿院客愁楊柳花
世事悠悠惟欠酒
棠陰密密欲藏鴉
韶光九十須臾頃
不是劉郎髮易華

中都雷家站枕上

紅塵瀆洞路間關
又見東風馬首還
報國丹心炳星日
壓頭白髮重邱山
休疑奉檄毛生喜
莫羨歸田靖節閒
說與春知亦絕倒
論人不在去留間

歸田類稿

卷七

六

送趙道士出祠南岳

閨苑仙人雲錦裳
天風絳節恣徜徉
紫簫吹月山雞舞
寶劍飛空海若藏
靈隱依然存故我
勝游聊爾歷遐荒
三生我亦烟霞客
追逐無從鬢欲霜

雪後過張秋泉盆花盛開索詩爲賦

道人冥坐養黃芽
百順薰蒸到物華
風暗玉塵門外雪
春明銀燭坐間花
潛移造化韓湘子
高踏塵埃蔡少霞
却笑三郎無伎倆
謾令羯鼓不停挝

郊原清曉

清曉郊原望翠微
隱如波浪與雲齊
老夫粟里懷方切
浮世槐安夢正迷
白雪慘平鷺鶴浦
黃雲翻動稻梁畦
昨宵怪有維魚兆
釣艇相銜水滿溪

京師除夕

旅食京華歲又殘
悠悠身去去留難
身能安分賢於隱
子肯讀書貴似官
潦倒乾坤雙鬢禿
淒涼今古一燈寒
明朝五十從頭數
且盡椒盤此夜歡

李漑之還山隱居

歸田類稿

卷十七

七

厭直承明拂袖東
此懷未易語諸公
高情野鶴雲霄外
往事醜雞瓮盎中
八表謫仙鯨海月
一襟高士虎溪風
墨頭莫訝歸來早
政要山林伴退翁

過泃縣高祖廟

天厭苛秦欲世蘇
赤龍從此入西都
五年諸國破迎刃
四海一朝安覆盂
山峙尚疑神劍在
雲飛猶與大風俱
不知萬歲千秋後
瑰魄端能到此無

登徐州項王戲馬臺

咄彼重瞳太計疎
欲憑扛鼎帝堪輿
鴻門老叟無奇策

烏岸漁人有遠圖，佇目河山空錦繡。傷心劉項總邱墟，
經過莫笑書生懦。我亦毫端敵萬夫。

過錢塘

天上鈞天杳莫攀，繁華移在武林間。樓臺萬井蔽虧日，
烟水四圍搖撼山。花草故宮春一夢，江湖遊子鬢雙斑。
此心只恐移聲色，舟促篙師半夜還。

游西湖

一片樓臺四面山，玻璃搖碎錦爛斑。畫船載酒來天上，
寶月和雲落世間。千古風烟留客醉，幾時魚鳥伴余閒。
乃知西子真尤物，竟日令人不欲還。

歸田類稿

卷十七

八

游靈隱寺

常憐無地蛻塵烟，人向空門見性天。一路密松山左右，
半空飛瀑寺旁前。馴猿就手取新果，老衲鞠躬參舊禪。
歸去不妨燈火晚，與君同看萬家蓮。

興化道中

駭目樟榕樹半天，雄陰翠壓道途邊。滿城香火民風鬼，
到處樓臺海市山。驛路遠因山曲折，僧居喧爲水潏潏。
有時檢點奚奴錦，盡覺新詩帶瘴烟。

福州

聞說東南秀所鍾此行處處覺詩工飛來天上三山島
驚倒人間百歲翁荔子種成唐室禍蘆花飄滿越王宮
斜陽無限興亡恨何事烟波尚爾東

過髮冠仙姑隱所

抗塵自覺道無緣何幸能參杖履前春色九天歸絳節
靄雲一朵冠華顛馳神夜宴西王母御氣時尋姑射仙
四海異人今日見此行萬里不徒然

貢院試筆

歸田類稿

卷十七

九

斯道寥寥百許年天開文運到吾元鑑衡別物寧容意
桃李成蹊不待言下筆園林驚落葉得人麟鳳瑞中原
潛心爲向朱衣道莫使劉蕢李豸寬

詔五十以上未第者賜出身有差

吾皇仁聖邁勳華重爲斯文掩類瑕漢苑有林皆桂樹
禹門無浪不桃花殊恩遠紹千餘載和氣勞延百萬家
比屋可封今起本歡餘不覺淚橫斜

直省

時爲左
司都事

翠蔭長廊樹影深塵喧收盡鳥遺音古今吾道窮途恨

日夜家山故國心
花簇鳳池春欲古
雲連仙島晝常陰
書生習氣真堪笑
簿領如山尚苦吟

辭參議還家

平昔爲官本爲親
歸來一意奉常珍
都將丹漏門前曉
辦作斑衣膝下春
忠孝誰云難遂意
始終今喜得全身
呼兒爲我修園圃
從此無心走世塵

挽元復初

韓孟雲龍上下從
豈期神物去無踪
知君本自雄才刃
顧我安能直箭絳
一死一生空世隔
三薰三沐爲誰容
歸田類稿
卷十七
十一
平生碑版天留在
不朽何須藉景鐘

遊華不注

蒼烟萬頃插孤岑
未許君山冠古今
翠刃割雲天倚劍
白頭歸第日揮金
攀援直欲窮危頂
歌舞休教阻盛心
星月滿湖歸路晚
不妨吟棹碎清陰

同鄉友宴會波樓

久處紅塵眼倦開
飄然今喜到蓬萊
春風碧水雙鷗沒
落日青山萬馬來
柳外行舟喧鼓吹
途中過客指樓臺
一時人境俱相稱
却恐新詩未易裁

游香山

常恐塵紛汨寸心好山時復一登臨長風將月出滄海
老柏與雲藏太陰寶刹千間窮土木殘碑一片失遼金
丹崖不用題名姓俯仰人間又古今

同元復初飲許仲文別墅

曉日樓臺海市仙春風歌吹酒家天五雲分彩來瓊島
兩鶴聯飛下玉田流水故將塵隔斷好花都被雨開全
人生佳處無何國鍾鼎山林恐未然

過顏魯公廟

歸田類稿

卷七

十一

李唐失紀相非夫竟遣忠良與禍俱抗敵一身皆是胆
留名千古不因書極知暮境桑榆近爭忍清時社稷孤
下馬荒祠訪道躅北風吹樹渺愁余

上都察院

柏臺人散坐堆甃默記灤江四往廻髮爲鴈冠容易雪
心因蝸角等閒灰慚無元素廻天策空負坡仙酌月杯
兩處飄零家萬里亂山遮斷白雲堆

秋日梨花

雪香吹盡樹頭春誰遣西風爲返魂月影已非前日夢

雨容獨帶舊時痕，只知秋色千林老。爭信陽春一脈存，
莫訝殷韓太多事。仙家元不計寒暄。

九日

一行作吏廢歡遊，九日登臨擬盡酬。詩有少陵難着語，
菊無元亮不成秋。雲山自笑頭將鶴入海，誰知我亦鷗。
幸遇佳辰莫辭醉，浮雲今古劇悠悠。

大雨

不用風雲雷
霆江海等字

六合乾坤一太陰，仰觀毛髮爲蕭森。排空疑有鬼爭戰，
對面不聞人語音。元氣只愁今日渴，桑田更比向來深。
歸田類稿

卷十七

十三

寒食遊廉園

湖天過雨澹春容，輦路迢迢失輦紅。花柳巧爲鶯燕地，
管絃遙遞綺羅風。羣仙出沒空明裏，千古銷沉感慨中。
免俗未能君莫笑，賞心吾亦與人同。

留別元復初

臺閣聯飛二十年，臨岐欲別重淒然。人言廉藺才相軋，
誰信雷陳志愈堅。古井不妨風浩浩，浮雲何損月娟娟。
江湖秋淨多來鴈，莫惜平安到瘴烟。

中都道中

細草和烟展翠茵
雜花勻簇道旁春
鳴禽曠野棲無樹
破屋荒山住有人
露濕弊袍寒襯月
風餐行鉢暗凝塵
去年閩海今沙漠
贏得霜華鏡裏新

客中除夕

野帷蕤蕤不耐官
強顏塵土步邯鄲
移文久爲雲山笑
捧檄聊供菽水歡
香返梅魂春一脈
愁叢燈影夜千端
古人事業余何有
羞見茅齋歲又闌

直省

歸田類稿

卷十七

三

微風吹雨濕層陰
寂寂長廊靜足音
怒虎九關天日遠
冥鴻一線海雲深
求田素有陳登志
作吏初非叔夜心
說與飢鳶休嚇我
掉頭巢父正長吟

留別鄉里諸友

粉署銜香十許年
故鄉重到重流連
予牟戀闕心空赤
江總還家髮尚元
金縷歌殘華鵲月
蘭舟搖碎灤湖烟
一襟離恨東州路
莫訝羸驂不肯前

興和道中

底事勞勞形與神
道途鞍馬動經旬
烟橫絕澗疑無地

風嚮深林似有人早發舉鞭揮霧露夜行翹首認星辰
何時却逐桑榆暖愛殺坡仙此語真

建寧道中

行盡溪山得市廛橋樓深入路綿延商旆腥帶詩蕃雨
天宇昏連百粵烟言語不通剛作字道途良苦且停鞭
老兵來報看輿穩使我愀然媿昔賢

不敢以人代
畜牛山事

泉州

萬里飄零兩鬢華瘴烟爲屋海爲家山無高下皆行水
樹不秋冬盡放花得句珠還合浦月亂懷杯吸赤城霞

歸田類稿

卷七

十四

蓬萊咫尺無由到慙愧當年犯斗槎

寄李道復平章

文武全才每許君逢時談笑建奇勲世稱李道爲賢相
帝重嚴陵是故人滄海兩扶新日月青天一掃舊烟雲
盛名自古多難處好及明時乞此身

黃州道中

濯足常思萬里流幾年塵迹意悠悠閒雲一片不成雨
黃葉滿城都是秋落日斷鴻天外路西風長笛水邊樓
夢廻已悟人間世猶向邯鄲語舊遊

歸田類稿十七卷

歸田類稿

卷十七

十五



07014



